

四庫全書

史部

欽定四庫全書

史部

浙江通志卷三十五

詳校官給事中臣戴璐

檢討臣德生覆勘

總校官編修臣倉聖脉

校對官學正臣湯垣

謄錄監生臣陸鼎

欽定四庫全書

浙江通志卷三十五

閩梁

三

湖州府

烏程歸安
二縣附郭

駱駝橋

名勝志在府治前霅溪上以形製而名西

吳語唐初建又名迎春橋以其直迎春門也

俗呼

迎春橋

記橫亘溪上三巨橋迎春其甲也驚湍箭

馳列柱擲比覆以飛宇約以雕檻宋慶元間火知

州李景和重建舊此橋或摧圯將墜夜遠處聞橋
上若有千餘人工作呼聲及旦橋梁之將墜者煥

然一新皆商賈船上橋木居處近橋
者一無所聞覺或曰此魯般仙也 萬厯湖州府

志明萬厯元年知府栗祁重修

儀鳳橋 西吳里語府治西南菰溪之上唐儀鳳年

間置因名宋天聖三年知州高慎交重建紹熙三

年燬於火易名紹熙崇禎烏程縣志明萬厯三十

年耆民鄔佩募修天啓五年知縣馬思理捐俸創

修

國朝順治十五年知府劉愈奇重修

斜橋 弘治湖州府志在駱駝橋西北以其水出自
子城壕而形斜故名

望州橋 明一統志在府城迎春門內跨運河視衆
橋獨高

虹橋 西吳里語吳人謂虹橋為無星橋

眺谷橋 崇禎烏程縣志在虹橋南跂足可望城外
山谷故名久圯縣丞丁炳捐修

長橋 吳興掌故宋政和中章援知州事於郡東南

重建長橋建炎末郡人易木以石且築渚中流折橋為二南名甘棠高壯可通大舟北仍名長橋明天順四年邱璿知湖州以長橋歲久圯壞鳩工重

建

方謨重建長橋記郡城之南有水橫貫於南北曰霅溪溪之上游曰長橋舊名伏龍又名東駱

駱橋橋之水一自天目之陽出餘抗經德清會銅峴諸山水入定安門一自天目之陰入苕溪薄城南入定安門二水合流橋下漫衍為江子漚從臨湖門直趨太湖每春夏霖潦暴至則深廣倍常故橋屢圯屢修比年來遂偃仆而下可支矣景泰癸酉即守謀及歸安令役工方興屬時饑工遂輟天順改元河南邱侯來守如前工直俾俗其力橋成三洞覆以砥石翼以闌石其高二十四丈立於水

者如之落成之日咸謂太守之功
不容無述因紀其本末以告後人

人依橋 萬厯湖州府志府治東運河上唐元和間

刺史辛秘建以集商為市又建樓其上今呼花樓

橋西吳里語辛秘去任百姓懷之因名曰辛橋

倉橋 弘治湖州府志在府治東舊名採蘋橋以其

在白蘋洲北後人因橋南有倉故名倉橋

沈尚書橋 崇禎烏程縣志尚書沈介建故名張莊

僖公更新之

潮音橋

湧幢小品慈感寺前橋曰潮音水清澈有

蚌浮水面吐珠人皆見之每風雨即有蛟龍來攫

萬厯湖州府志舊為潮音渡在府治南嘉靖十八
年知縣魏濟改建崇禎烏程縣志萬厯三十年忽
圯知府陳幼學重建

烏程縣

城外
闕梁

迎禧橋

萬厯湖州府志即清塘橋在迎禧門外成

化九年知府勞鉞建

丁澄重建迎禧橋記郡城西
北出迎禧門百餘武有溪一

帶紫迴數十餘里溪之旁腴田沃壤未易以頃畝計溪之上有橋一洞跨之蓋前人欲便往來者而作初不知其水之難泄也故凡樹藝於田壤之間者屢遭災耗知府勞侯相擇水勢平緩之處距橋之下流八十步撤其舊而創構之其崇二尋羨二尺廣一尋羨亦如之袤亘五洞而施兩岸為尋二十羨四尺橋之成耕者免水患而獲豐登之利行者免厲揭而無徒涉之憂利濟容有既乎

定安橋

弘治湖州府志即定安門外橋也俗名愈

思橋崇禎烏程縣志歲久洪水衝蝕知府陳幼學

葺塘治亭并新之易名定安

章喜楨重修定安橋記茗溪出天目之陰

東來與餘不前溪北流水諸派合而入郡之定安門經帶包絡乎郡治則定安橋實其咽喉云太守

欽定四庫全書

卷三十五

篤塘陳公治郡之四年百廢俱興橋梁之修建如
潮音橫渚鎖龍雲塘德武諸役靡下尅期以竣乃
定安最後有地微矣倘將圯之弗慮大壞而後葺
之後來者力尤不瞻也於是鳩工庀材七閱月而
告成是橋一名愈思傳疑莫考俗又呼為驛司因
其近驛又沿愈思之訛而名之也郡志曰定安因
從郡志之名
而為之記

青塘橋

崇禎烏程縣志在迎禧橋北元至元初縣

丞宋文懿捐貲甃石明萬厯間知府李頤重修更
名永賴烏程縣志天啓間知縣馬思理修崇禎壬
午知府陸自巖重建

國朝康熙己未知府胡瑾重修易以石

德新橋 弘治湖州府志在舊館即高橋也正統間

傾頽里人陳孟暹重建有亭於上

馬要橋 嘉靖浙江通志天順間建烏鎮之水經其

下入於太湖

潘公橋 崇禎烏程縣志尚書潘季馴建

于慎行潘公橋記潘

公橋者今火保印川潘公奉其先贈尚書僦菴公之命而建也湖之為郡城於震澤之上若雲之水夾馬兩岸之間雨水時至歲有覆溺僦菴公戚馬嘗欲橋於二水之會以安里人而齋志以沒火保

公母念之撤歔歔涕數行下也甲申之歸謀諸烏程令楊應聘楊曰與梁之政職在有司請具畚揭以從公曰不然以里門之有跋涉戚我先公豈其敢勤隸人以及父老繼志謂何祿賜之餘可以施者無敢愛也始於萬曆乙酉三月迨庚寅十月而成橋長百四十尺博二十尺先是楊君被徵且行曰橋成名之曰潘公郡人從之少保衍澤濟美以光前烈可謂永孝矣

國朝康熙十一年季馴曾孫弘成重修

百名橋 崇禎烏程縣志舊名通安橋以通定安門故名橋在南塘中內通村落數百故又名百名

八里店橋 嘉靖浙江通志景泰間建官塘河水經

其下東入昇山塘

興德橋

明一統志在府城東南九十里宋建元末

重修

黃浦橋

吳興掌故妙喜寺前二十步橋南有亭為

梁鮑照送盛侍御及庾中郎賦詩之所石柱記箋

釋水自黃檗山出故號黃浦

鎖苔橋

烏程縣志苔水自南來至此一鎖北入毘

山溪故名

國朝順治五年里耆方永春鄔天選等重建

望仙橋 崇禎烏程縣志在烏鎮五代時嘗有異人

過酒肆飲醉輒噴酒沫汚髭吻洒壁間結靈芝拂

衣而去追跡之至橋所忽不見故名

昆山渡 萬厯湖州府志在毗山溪通大錢港口

歸安縣

城外
闕梁

沙村橋 弘治湖州府志在崇禮鄉

仁壽橋 四通橋 歸安縣志俱在三都

市橋

弘治湖州府志瑯琊鄉璉市橋有八曰西

成仁壽鍾吉連雲安齊東俊太平長慶

前溪橋

水西橋

鳳凰橋

萬厯湖州府志俱在

二十二都

虹橋

歸安縣志在十五都舊有嚴素菴還金亭嚴

氏烈女井

西吳橋

弘治湖州府志在長壽鄉

利涉橋

弘治湖州府志在八里店高跨大溪弘治

四年建

清風橋

明月橋

萬厯湖州府志俱在二十七都

東老橋

歸安縣志在三十三都

何桌題東老橋詩
散盡黃金白酒空

飄然曾此躡晴虹一闌秋氣元洲霧兩岸春深赤
水風鐵笛已收明月下玉經還擲亂雲中仙家咫尺紅塵外自是人間路不通

望仙橋

歸安縣志在二十八都西吳里語因馬自

然登仙人望之故名

東林橋

弘治湖州府志在樂豐鄉

七里渡 歸安縣志知縣楊時秀設渡夫二名民不

病涉

長興縣

司馬關 長興縣志去縣治南六十里出烏程地方

達妙喜

筋竹關 長興縣志去縣治南六十五里出歸安地

方達武康

飛橋 萬厯湖州府志譙樓前相傳葛仙翁在此飛

昇

喜盡橋

長興縣志縣治東北一里分箸流迤邐至

東南出光明橋為縣治翼沙兩岸竹樹菴映人稱

小盡溪

平政橋

弘治湖州府志舊名廣利橋又名程氏橋

長興縣志宋邑令袁旦名廣利橋嘉祐七年葉斐

重建改今名元以長興為州故至今呼州橋

祥符橋

萬厯湖州府志縣西街長興縣志在義和

坊俗呼打鼓橋

神武門橋 萬厯湖州府志跨城東南濠嘉靖間知

縣齊之鸞重建改名望春

齊之鸞重建望春橋碑記嘉靖改元壬午全吳

秋澇湖州為甚於是邑東門橋圯予初至力弗及也旋以稅事臨倉督徵居人駕木渡予月凡數易予曰是可久乎乃謀諸富人得八十金又益以市租五十餘金取松天目伐石武康徵工姑蘇督以耆俊緣以戒僧舉事冬十二月訖工春三月於是東門橋偉然改觀矣舊橋孔偏岸西舟上下不相見往往迎觸多墊沒今中流為之隆其中沿以隄防衛以闌干蓋上可方軌下可並舟而行維暮之春出自東門而吾橋適成因合地與時而名橋曰望春作望春橋記

震龍橋 萬厯湖州府志便民倉前一名倉橋嘉靖

四十六年知縣歸有光創建

起龍橋 長興縣志縣治東三里俗稱喜郎廟橋

國朝康熙三年重建

許公橋 長興縣志縣北四十三里顧渚山明月峽

下舊傳顏真卿與客步月賦詩宴飲因名夜橋宋

邑令許遵尤嗜山水每遇佳辰率携賓從造顧渚

往來不厭重建此橋故名俗呼顏板橋

觀卞橋 弘治湖州府志在陸滙龜蒙有詩云最愛
卞峯顏色好晚雲纔散便當門故曰觀卞

甫里橋 崇禎長興縣志陸龜蒙別業在此故名弘
治湖州府志一名陸滙橋

姚家橋 弘治湖州府志在縣南十五里跨鴈翎港
宋時大學士姚祐建

德清縣

通濟橋 萬厯湖州府志縣治前舊名代興德清縣

志又名通津宋淳熙間縣令楊思濟改今名明正
統間圯知縣王敬完修復更名永安今但呼縣橋
國朝雍正九年知縣錢學洙捐俸重葺更名富寧自為
記

阜安橋 嘉靖浙江通志縣南三百步餘不溪經其
下北入於太湖德清縣志唐天寶中建初名天寶
唐末燬宋宣和間知縣趙喁改建木橋名曰餘不
淳熙間易為石護以欄楯參政李彥穎取蘇文忠

公風俗阜安之語改今名

西吳里語宋淳熙中有錢三翁者衣衲茹素脅

不沾席者五十年俗呼布衲翁時德清建阜安橋屬主其事謂其徒曰是朝有醜醬謹視之明日果有青坡村民獻醬二甕探之得銀二匁以充橋費人異其前知嘗摩挲橋曰此可過五百年寶慶丁亥秋震風霖雨民廬寺觀多壞此橋屹然中流片瓦不搖明弘治間大圯知縣

王良臣修正德末年通判姚奎修又圯知縣李蘖修隆慶二年知縣陳宣修萬曆十三年知縣陳效大加修葺壯麗較倍於昔

國朝康熙年間知縣馮壯因圯修建

大虹橋 萬厯湖州府志在龜溪東相傳建此以鎮
蜃尾

龜廻橋 德清縣志在內河口孔愉放龜於此龜廻
而左顧因名

國朝雍正五年知縣朱永齡奉文領帑重修橋內地勢
窪下溪漲時必須用板閘任以護民田

野橋 德清縣志在縣北慈相寺上跨古澗下瞰方
沼羣峯環秀古木覆蔭為龜溪八景之一

沈宗元
野橋詩

濠上鯨魚樂石梁瀑布新何如野橋雪恍見武陵
春曲澗虹朝飲危闌虎夜蹲上方雖咫尺到此坐
巡

平政橋 萬厯湖州府志縣東一十五里當杭湖往
來之衝德清縣志宋嘉定間建後廢明正德間重
建又廢

國朝康熙十二年鼎建

步雲橋

一名白雲

萬厯湖州府志平政橋南為本縣津

候之地德清縣志明萬厯三十六年知府陳幼學

重建更名雲塘

國朝雍正八年總督

臣

李衛重修

李衛重建步雲橋記
德清縣東南步雲橋

江浙往來取道湖屬者所必經陸通行旅水利舟楫邑之漕艘出入由是隣近州縣率履不越不獨一邑之便實通津焉明萬厯丁未郡守陳幼學重修去今百二十年不知圯於何時陸行既阻其駕長風縛巨帆者溪流迅駛下復有壞椿舊石誤觸致損過者恒惴惴橋之廢其不便亦不止一邑也歲唐戊暑縣事錢學洙詳請重建予奉

天子

命節制江浙凡橋梁津渡堰閘塘岸其有便於民率不憚修舉矧茲去不便以就便澤梁不修刺史之過與其償租車何如一舉而永利也爰檄湖守唐紹祖為之經理而令太學生茅瀚董其事經始於是冬十二月閏十月而告成較舊址加廣高稱

之向之壞椿舊石沉於淵者悉起佐用而增以新材良工堅役不及民計用帑金一千一百兩有奇而工竣今而後水陸俱便凡江浙往來取道湖屬者皆得出於其途矣豈止為一邑利哉步雲橋舊名也雲塘前陳守重修而易以新也橋廢久而俗之名橋者仍其舊予亦順民之便而已為作重修步雲橋記

三登橋 明一統志在縣東北四十里宋袁說友張

嚴王大有皆寓居此相繼登第里人榮之故名

菩薩橋 德清縣志在新市鎮相傳昔溪漲忽一巨

木橫於橋下羣視之畧似大士像命工刻成之今

覺海寺長觀音是也張敏叔詩云野橋橫渡木觀

音因名

望仙橋 德清縣續志即大麻高橋始建無考明成

化三年重建歲久圯

國朝雍正九年知縣錢學洙詳請重建

程元章重修望仙橋碑記王政

之大務在利民昔鄭子產乘與濟人子與氏以爲不知爲政蓋即濟人一事而徒扛輿梁固有所當務焉余曾任總藩於僚屬謁見輒以此諄勉迨陞撫上江未及兩載復荷

殊恩

節制全浙入境至德清之麻溪溪故有橋曰望仙因年久坍毀邑今錢學洙詳請前部院撥項興修

經湖郡守唐紹祖總理規制高廣工料堅固視昔有加予日擊焉既下車錢令以橋工告竣請為之記余按是橋也地屆官塘為漕艘出入所必經吳越行旅往來之要道其創建之由已莫可考舊記自明成化三年里人沈本源創捐修葺歷今又二百六十餘載百既傾圯梁亦頽壞舟楫有觸石之虞商旅有塞裳之慮守茲土者宜亟為整葺方稱厥職乃錢令請勅公項銀一千一百六十兩有奇不期月而成此鉅工無俟人人而濟而人無不濟是舉其實獲我心矣方今

聖天子宵衣旰食軫念元元凡在臣工勤勞翼贊庶績咸熙而百廢具新利民之務又豈獨區區橋梁道路間乎爰誌其事而並與為政者共勗之

狀元橋 萬厯湖州府志在新市鎮以宋吳潛及第

故名

武康縣

姚塢關 武康縣志在縣北三十里青山嶺下

千秋橋 萬厯湖州府志縣南三國黃初間建武康

縣志明洪武二年知縣李大春重建正德十四年

圮嘉靖二十年知縣廖暹三十五年知縣余榮相

繼重修

余榮千秋橋碑記千秋橋之水發源於西境諸山合流數十里至縣而始大橋梁不

建每春夏間洪水泛漲衝激人咸以為危於是耆老相與謀曰盍聚貨建橋以為百世之利乎遠近

應之者有布有帛有金有粟約計錢五百餘緡以
為鳩工石材葦之資並日繕工邑宰主其事者始
於陸繼以廖裁其事者分巡道艾公譚公歷六七
載而工始告畢橋分六洞深四尺長四十丈濶一
丈七尺與桂枝橋東西對峙始號官橋今新
以千秋欲鞏固不朽為武康千載之利也

碧泉橋 武康縣志縣北一百八步宋宣和三年知

縣朱容建

國朝康熙十年知縣馮聖澤重建

迎恩橋 萬厯湖州府志俗呼湖橋武康縣志縣東

一里宋乾道八年建

桂枝橋

嘉靖浙江通志在縣東一里宋紹興間建

餘英溪水經其下入於太湖武康縣志明洪武六

年知縣張居敬重建弘治間圯嘉靖十年知縣張

憲重建

唐樞重建桂枝橋記桂枝橋跨餘英溪舊枕儒學故名桂枝肇於宋紹興十三年范

尹普修於國初洪武六年張尹居敬茲廢五十餘年砌具盡失正德十年大學士桂萼欲撤淫祠新

之值內艱不克事繼尹是邑今主山西司刑事張憲守之乃嗣成馬制分六洞深三丈長三十六丈

濶一丈六尺經始嘉靖七年正月落成九年八月監護乃事者詹丞化繼之者宋丞瀛王典史景嚴

民姚呈等若干人咸任奔走焉天啓間知縣賀鼎重建

蔡公橋 弘治湖州府志宋知縣蔡霖建武康縣志

縣北二里

國朝康熙十一年知縣馮聖澤重建

黃山橋 嘉靖浙江通志在縣東北一十里宋紹興

間建武康縣志明洪武六年知縣張居敬重建嘉

靖九年圯十三年縣丞宋瀛建

國朝順治年間圯復建

望仙橋 武康縣志縣南十八里元皇慶間建明洪

武間僧淨目修

衆善橋 嘉靖浙江通志在縣東南二十里宋景定

二年建

通濟橋 武康縣志縣東南二十二里宋嘉祐間邑

人楊福建

國朝順治九年僧通濟同邑生姚弘明募助重建

壽昌橋 嘉靖浙江通志在縣東二十五里武康縣志

宋咸淳間邑人姚智建

安吉州

獨松關 廣輿記在獨松嶺上名勝志宋建炎三年
金完顏宗弼自安吉進兵過此嘆曰南朝可謂無
人若以羸兵數百守此吾豈能度哉

謹按山自天目而北重岡疊澗迴環數百里獨松
嶺峙其中路險狹東南則直走臨安西北則通安
吉趨廣德為江浙二境步騎爭逐之交唐武德四
年李子通據餘杭杜伏威將王雄誕擊之子通以
精兵守獨松嶺雄誕遣別將將千人乘高據險逼
之多設疑兵子通遁走宋建炎中烏珠自廣德趨
臨安亦過此關德祐元年以元兵漸迫遣將列戍
要害命羅琳戍獨松關元將阿剌哈自建康分兵

出廣德四安鎮犯獨松關遂陷之臨安震懼其與獨松相近者又有百丈關在百丈嶺上幽嶺關在孝豐縣東南三十里幽嶺上謂之獨松三關元至正十二年徐壽輝將項普畧等屢犯杭州攻獨松百丈幽嶺三關董搏霄擊之以兵先守雙溪雙溪者三關要路也既又分為三軍一軍出獨松一軍出百丈一軍出幽嶺然後會兵擣賊巢遂乘勝復安吉又進克廣德平徽州蓋自昔為險要之地矣

中治橋

萬厯湖州府志州治前

登雲橋

萬厯湖州府志學宮前

北川橋

嘉靖浙江通志在拱宸門外

伍餘福北川橋碑記浙水

自天目下為廣苕泖瀟沮如歷陳安七渡始抵沿干為挑城即今職方氏號安吉州者是也州匝萬

山獨一川北折而東或秋雨大至城尻者每懸魚
鼈憂深不可渡故橋馬橫亘北川上歲久圯矣吳
封君州人也屬命石工以壬辰秋八月起事閱半
載厥功告成予按浙西水利單鐫論之首以天目
一派為宗其源遠其流長盈科則行行至雲川則
四水激射之蕩為茗溪出震澤歸崇明靡有底極
其扶危拯溺之功蓋自挑城始
可無書乎封君名松字壽卿

白雲橋 嘉靖安吉州志一名秦公秦公敏者檣之

父也曾為主簿於此建之後更名白雲惡檣以及
其父也

萬灣橋 萬厯湖州府志在定安鄉

國朝康熙九年知州曹封祖重建

聖棠橋 樂平橋 萬厯湖州府志俱在梅溪鄉

并全橋 安吉州志初名浮塘橋明崇禎元年知州

孫幼孜覲回之五日大水漲柴舟觸斷橋三柱議

修之至七日後神工修成十里外聞斧鑿聲近則

不聞其柱復合不失尺寸遂祭告立石紀之更今

名

國朝康熙九年知州曹封祖重修

萬埭橋 安吉州志在安福鄉

國朝康熙九年知州曹封祖重修

龍灣橋 桐木橋 萬厯湖州府志俱在晏子鄉

孝豐縣

幽嶺關 孝豐縣志縣東三十五里餘抗界

謹按幽嶺關獨松三關之一也有幽嶺水流為碧溪東北入於苕溪又有烏山關在縣南五十里與臨安縣接界即採闕在縣西南三十里與於潛縣接界皆為設險之處又縣西七十里有唐舍關西南六十里有孔夫關皆接寧國縣北四十里有苦嶺關西北五十里有五嶺關皆接廣德州

迎恩橋

弘治湖州府志在縣治東北知縣楊達建

嗣濟橋

孝豐縣志威鳳門外第一橋耆民漏守功

捐建

鳳凰橋

嘉靖浙江通志在縣東一里孝豐縣志鳳

凰山下居民夏蘭修

白慈橋

孝豐縣志縣西北五里傍有觀音堂

沿干橋

萬厯湖州府志縣北靈奔鄉達安吉州

龍溪橋

孝豐縣志施文相助田有碑吳啓新漏守

功等助建

插虹橋 孝豐縣志上下二座縣東北二十里

結絕橋 後干橋 汪王橋 萬厯湖州府志俱在

縣西南廣苕鄉

五山渡 孝豐縣志縣東北靈奔鄉為豐邑要津明

知縣郭治編筏以渡遞舉遞廢萬厯庚子知縣黃

朝選置船以渡

寧波府

鄞縣附郭

平橋 成化四明郡志縣治西南舊名四明橋有亭
唐太和三年刺史李文儒建燬於宋建炎之兵乾
道五年守張津重建嘉定十三年亭廢開慶元年
守吳潛於亭之北橋之西立石為水則故改今名
昇平橋 嘉靖寧波府志四明驛東一名懂懂東橋
成化四明郡志建於宋天禧五年轉運使陳堯佐題
名嘉祐間守錢倚修乾道五年守張津重建有亭
今廢

尚書橋

成化四明郡志縣治西南舊名澄清橋一

名懂懂西橋建於宋天禧五年轉運使陳堯佐題

名嘉祐間守錢倚修乾道五年張津重建有亭今

廢明天順八年守張瓚為司寇陸瑜立坊改今名

袞繡橋

鄞縣志以史彌遠有袞繡坊故名又名感

聖橋以其地舊有保聖崇教二寺今呼水仙廟橋

因其在廟側也

錦里橋

成化四明郡志縣治西南舊名五馬橋鄞

縣志竹洲之西宋學士趙彥逾宅此又曰五馬街
以彥逾嘗典鄉郡也俗呼莊衙漕橋者即其故址
渡母橋 成化四明郡志縣治西一名純孝橋因地
有董孝子祠故名宋天禧五年建有亭久圯乾道
五年守張津重建紹定元年守胡桀修元至正間
邑人謝焱崖重修

水月橋 成化四明郡志縣東南延慶寺前

針竄題
水月橋

詩長空瑩如磨平湖淨無滓萬里夜寥寥清光墮
寒水松風吹更圓沙鳥睡不起徒勞野猿捕謾作

元珠比相對倚朱
欄時有逍遙子

桂芳橋 鄆縣志東達大街西達長春道院成化四
明郡志宋高閎兄弟五人皆登科第故名

鄆縣 城外
關梁

東津浮橋 名勝志舊名靈橋跨鄆江上唐長慶三
年刺史應彪置凡十六舟亘板其上長五十五丈
濶一丈四尺初置東渡門外江濶水駛不克成乃
徙今地方經始時雲中有虹映其上衆咸異之名

橋曰靈現又曰靈建今東城門以靈橋名蓋謂此
成化四明郡志太和三年刺史李文儒僖昭間刺
史黃晟宋開寶中守錢億乾道中守張津慶元中
守林太中嘉泰元年守陳杞嘉定四年守程準十
六年守趙師出寶慶二年守胡桀皆新之元至元
二十八年廉訪使陳祥造船十有四始治鐵聯貫
為巨纜鄞縣志至正二十年江浙省平章方谷珍
再造明洪武二十七年郡人黃功廓建言增設船

二隻僉民七十二戶守之正統十四年守陸奇重

造維以鐵絙

陸瑜重修東津浮橋記正統九年陸公奇知寧波府下車之初恤民疾苦簡其

征徭計修東津靈橋之費不可猝就督戶粗為具於是捐祿入積錙餘同寅相謀乃於去年冬命耆

民經治伐大石堦橋首各樹石柱二造排棧十有一遣人於錢塘擇木為舟二十價廉工省數月事集

每岸維一棧扶一舟餘如故制為九扶偶肩聯檣比中實巨枋蔑纜相維矻於深淵旁加欄楯夾貫

鐵絙組組石柱鈎圈中綰脩開合蟬聯虹跨隨潮汐上下規制鞏壯徒御安行又作石亭三楹為守

夫過客寒暑風雨之庇其惠下之仁溥矣成化二年守方達更置嘉靖

間邑令劉宗仁徐易邵守張正和周希哲皆修之

未久即壞厥後每遇損壞僉報富戶數人承管修造工成有司優獎榮以冠帶謂之江橋大戶膺其役者甚苦之

國朝順治間知府楊之訥詳定每里輸銀二兩五年一徵官為修造迄今遵守

高橋 明一統志在府城西南二十五里成化四明郡志宋元符元年建建炎三年金人犯境張俊帥諸將戰於此橋時諸將戰功凡十有三而高橋之

捷為第一橋西有循王祠寶祐四年丞相吳潛重建明天順六年里人章智聰重修

鄮山橋

成化四明郡志縣治東三十里

屠僑鄮山橋詩望城

三十里野市鄮山橋廢壘官奴縣殘碑至正朝青山初欲募秋水未全消城北風烟裏扁舟思寂寥

八字橋

成化四明郡志縣治東南三十二里

百梁橋

嘉靖浙江通志縣西南五十里嘉靖寧波

府志舊名小溪江橋宗元豐元年建長二十八丈

四尺屋其上紹興十五年邑人朱世彌世則重建

洞橋 鄞縣志南達百梁橋北抵它山路成化四明
郡志舊名高橋宋元符元年建紹興三十年鄉人
朱世則重修嘉熙年間圯元庚申年間盛居士重
建覆瓦屋七間長七丈濶二丈歲久傾圯明天順
七年鄉宦趙政重修

元貞橋 嘉靖寧波府志縣西南五十里元貞元年
里人王子明建成化四明郡志明永樂元年鄉人
江心源重建天順八年郡守張瓚重修

惠明橋 成化四明郡志縣西南五十三里宋隆興
元年鄉人朱寧建後圯續置平石橋於其北今名
備橋明正統四年郡守鄭珞命郡人謝務本鄉人
胡延觀重建

清闕橋 天童寺志在萬工池東南岸入寺則稱第
三闕出寺則為第一橋

北渡 延祐四明志甬水門南二十五里往奉化路
蓋奉化有南渡故以此為北也

許渾曉發鄞江北
渡詩南北信多岐

人生半別離地窮山盡處江汎水空時露曉兼
葭重霜晴摘袖垂無勞促歸楫千里有心期

西渡

嘉靖寧波府志縣西二十五里即西江渡

陳著

入京到西渡詩昨宵北渡今西渡係是離家第二
宵詩伴風流勤犯驛擢卽醉飽健迎潮大亭浦近
鄰州接筆架峯迷故里遙得意
歸來期可數榴花如火照高標

慈谿縣

麗澤橋

嘉靖寧波府志縣南舊名第一橋建亭其

上後改今名以東西兩水相合故也

福聚橋

成化四明郡志縣南舊名第二橋元至順

三年建上有亭至正三年僧覺蓮改建圓通寶閣
邑薄白桂易今名慈谿縣志明永樂二年重修上
有大士像俗呼為觀音堂今圯馮氏重建

平政橋

天啓慈谿縣志縣南舊名第三橋宋宣和

末邑令沈時升政平訟理民稱其賢以名其橋成
化四明郡志明永樂十一年鄉民裒貲建亭其上

驄馬橋

一名御史

明一統志在縣治南輿地紀勝晏公

類要云慈谿縣有驄馬橋房琯所立以其自御史

拜因名成化四明郡志宋令于存增蓋亭屋

上說建驄

馬橋記慈谿之南橫亘大江有二橋其東曰驄馬者唐相房琯始建歲祀浸遠規模畧存地而不完行者告病治平紀號之三載祕省于君來治蒞事之明年邑民顏霸等數四造庭狀斯橋之壞君然其請命工之日授以機智孟夏興作至仲秋厥工告畢焉其西曰大寶者因山為名制作非古寢亦圯壞以其羨材易燬於建炎之兵紹興乾道間令而新之從民志也

張光陳壽彭相繼修建元大德間復燬至大二年

簿曹傑易之以石至正六年簿白桂增置石欄重

建二亭於橋之南北南曰凝翠北曰通關歲久亭

圮慈谿縣志明天順二年令賈奭為都御史王來
立坊更名都憲橋

德星橋 成化四明郡志縣治西南一里永明寺之
南上有屋三間南北構亭唐貞觀三年建以其近
大寶山名曰大寶橋宋熙寧元年令于存修建炎
兵燬紹興乾道間令張光陳壽彭相繼修建尋改
永明開禧二年令趙希觀始易今名紹定四年僧
法開增建屋八間歲久俱圮明洪武十八年鄞人

李大方重建

夾田橋

嘉靖寧波府志縣東南五里宋皇祐二年

令林肇建成化四明郡志燬於建炎兵紹興八年

令林公定重建歲久傾圯開禧元年令趙希觀鼎

建改名開禧慈谿縣志明永樂中道士曹秉中重

建將圯天啓元年令李逢申重建

李逢申重建夾田橋記縣治東

南舊有夾田橋久圯予初令慈乃與諸父老約曰石梁載造務在得人食以耆耆能處而任事者巖尉羅學損及耆韓山僧道緣等可遂令聚材鳩工爰度水勢計避涼臺所布椿木凡長短踈密各如

其度其經費不足者時時酌處繼續之於是蒙而為址舒而為堤敞而為門跨洪波而為梁工始於萬厯庚申八月以天啓甲子某日訖工高五丈五尺長二十丈廣若干尺築堤左右各二十丈車馬擔負樵採攜挈惟呼往來人知成之便而不知成之難也是用記之以告後之紓民力者

環碧橋

天啟慈谿縣志在縣西三里邑之水自東

來者抱城而西自西來者從鵬山直走大江奔瀉無情乙巳年令潘汝楨從士民之請於城西一里外河口築堰建橋於堰之北濬鵬山河引水歸堂自西注東出繞大江而西甚合形家之論令以遷

召行小船戶裝載者以其迂迴不便乘夜鼓衆掘
堰遂廢成勞

國朝康熙年間重築

太平橋 天啟慈谿縣志縣西南五里嘉靖初建萬

厯壬午重建

徐一忠太平橋詩寥廓江天玉竦懸憑闌秋色正蒼然行行塞雁排空度

片片沙鷗傍渚眠客子吹簫明月夜漁翁罷釣夕陽天白頭何意還題柱長嘯千松生紫烟

桐橋 慈谿縣志在縣西五里

桂理桐橋詩棘隄山頭大港西幾家門逕

自成蹊馬蹄霜冷石橋滑殘月半牆鷄亂啼

慶安橋 慈谿縣志縣東南十五里

國朝康熙五十四年知縣樊琳新建

無擇橋 成化四明郡志縣西二十五里因唐孝子
張無擇負土廬墓日所建鄉人故以是名俗呼為
吳石橋蓋聲之訛也

鮑約橋 成化四明郡志縣東北二十七里世傳五
代末鮑侍中約嘗居此故名俗呼為白藥橋

丈亭渡 延祐四明志在縣西南五十里

陳若泊丈亭詩丈亭

亭下浦艤揖又終朝船聚市聲襟風生江氣騎茲
行未百里已涉第三潮去住向誰問鷺飛雲影蜨
陳造丈亭詩小江隨山巧回互轉首碧流分兩股
丈亭繫纜待潮生徙倚纓容一炊許潮信曾何頃
刻差固應作意憐行客為誰東去為誰西酌酒慙
勤酌河伯王淮丈亭渡詩出縣四十里西來是丈
亭江分三派白山拱兩邊青遠樹雲間塢
香蒲雨後汀舟人候潮至飯罷即揚舲

太平渡 嘉靖寧波府志縣西南五里西港口弘治

間置

錢文薦太平渡詩獨行空江來江上無人識
牧笛留殘響歸鳥帶暝色潮落平沙聚風低

飽帆尺谷口問桃
源深淺誰可測

奉化縣

嘉會橋

嘉靖寧波府志縣治南舊名縣橋俗名杜

家橋成化四明郡志宋太平興國八年建宣和中
令周因立亭於上建炎間燬元延祐七年知州馬
稱德重建今亭廢橋存

文昌橋

嘉靖寧波府志縣北二百步舊名元家橋

先用木至正中易以石成化四明郡志明宣德十

年宋琰題今名

慶登橋

明一統志在縣東三里奉化縣志宋元嘉

中令謝鳳置舊名謝鳳橋宋淳化二年重修政和中令周因立亭其上名豐樂紹興中改今名咸淳中令劉應得增左右亭以翼之明天啟中亭圯

國朝順治間知縣王與砌石為臺覆以屋供文昌其上翼以二亭

惠政橋 成化四明郡志縣東北四里舊名善勝又名通剡宋乾德間建大觀間架木為梁覆以瓦屋易今名奉化縣志建炎間燬於兵令杜綰仍結木

紹興初令趙于昭重建

趙敦臨惠政橋記縣之水發源於連山鄉之鎮亭踰

市而北達於鄞江有橋跨其上實為交易往來之便舊榜之曰惠政建炎庚戌橋殘於燎前令杜綰結木僅免病涉明年復壞後令趙公蒞任謂橋不修令過也歟然不憚者累月邑之富人相謂曰此可愛吾財而不能成一橋以戚吾賢大夫翁然輸金醵財鳩工自仲秋之戌申卒季冬之辛巳而橋成公從賓佐來觀勤苦父老相視顏開咸謂惠政之名今不虛矣因屬予紀其事

七年燬

令榮彝重建後鄉士汪伋議易以石與弟份首捐錢以倡之令錢光祖既經其始趙彥縮繼之乃克有成下為雙洞上有小洞以泄怒水兩旁護以石

攔嘉定中令馮多福以石甃兩堤及下木捷亂石

以窒於底

洞石有詩刻云鑿開蒼壁玉稜嶒疊作溪橋兩洞成影落波心雙月合光含石

眼一星明鰲頭近接東西市鯨背平分南明成化北程頃信巨川從此濟區區溱洧浪傳名

二十二年圯正德七年令陶麟命僧人募建上覆

以亭萬厯間屋燬崇禎間邑令胡夢泰捐俸募修

又燬

國朝康熙五年知縣張奎引延僧行純重建

仁濟橋

嘉靖寧波府志縣東五里新婦湖上名新

婦湖橋又名放生湖橋宋紹興中建覆以屋後圯
邑人汪伋重修元至元間燬大德中監州察罕立
石柱重建未竟受代僧博繼成之

西溪橋 嘉靖浙江通志在縣南十里奉化縣志跨
西溪上向架木柵作橋水漲輒浮民甚病涉天啟
間邑人孫若思捐貲鳩工以石板易木柵復置田
若干畝為修葺計往來者便之

南渡橋 成化四明郡志縣東北二十里又名廣濟

橋宋建隆二年僧師悟始創土橋後易以木紹興
元年鄉人汪汲斲兩岸立石柱亘板其上覆以瓦
屋元至元十三年燬至正二十一年簿盧震龍增
建屋一十五間又翼以南北二亭嘉靖寧波府志
明洪武中縣丞喬鑑重修奉化縣志萬厯間燬天
啟間鄉紳何如禮重修張時徹南渡橋詩路出青
山峽雲移碧水塹新蒲沒

洲渚斜日到村家林暝鳥翻樹潮來
月滿沙緣知丘壑內偏自有烟霞

光德橋 嘉靖浙江通志在縣北二十里成化四明

郡志俗名江口橋宋李珂建後為洪水所圯嘉靖
寧波府志紹熙三年李氏重修汪伋贊其役通水
九道上覆屋二十六楹元至元十三年燬十九年
李以垢等立石重建蓋屋二十一間明洪武十年
重修正統十一年知府陸奇命道人李存誠建正
德末風水大作橋壞將半里人重修

大埠石橋 奉化縣志縣北三十里嘉靖寧波府志

舊名源泉橋又名泉口大橋

鄭復言大埠石橋記
縣治北有地曰泉溪

散漫四十餘丈古無橋創自宋治平四年由宋迄今屢修屢廢行者病涉里之民相與白於官邑侯裴琚允其請起工於永樂辛卯之正月里人戴邦彥竺大錢大總孫惟堯輩各捐已貲盛召工役以集厥事里閭聞者莫不悅助遂落成於壬辰之九月規模氣象煥立雄壯視前之功不啻十倍由是往來於此者若履坦途靡不踴躍稱快云

湖頭渡 成化四明郡志縣東一百二十里舊名田下渡

鎮海縣

定海關 嘉靖定海縣志在南薰門外

國朝康熙二十四年重設

嘉定橋

嘉靖寧波府志縣東北鼓樓前

橫帶橋

鎮海縣志縣治東北一名尚書橋兵部尚

書邑人邵輔忠建吏部郎中奉川戴澳題

善慶橋

嘉靖定海縣志縣治西北今名總舖橋

大有橋

鎮海縣志向係堰基初設小橋明崇禎丁

丑冬邑令張琦改建名大有後圯

國朝康熙九年知縣王元士重建

長山橋 成化四明郡志縣東南二十里洪武間鄞人謝復榮建鎮海縣志即小浹江橋成化時海道朱紳楊瑄相繼建石梁萬厯丙申秋大潦梁塊皆陀邑令丁鴻陽朱一鶚先後葺成之董工者丞陳

懋齡也

邵輔忠長山橋記長山橋倡始於成化辛卯海憲朱公繼成於楊公瑄閱歲綿久萬

厯丙申秋大潦梁南塊先陀司里以告邑令丁侯侯即令民倣成化故事募鐵若干佐以公帑未及為而侯適以艱去已亥春閩漳朱侯至廉其狀遂進陳君謂之曰不一勞者不久逸不暫費者不永寧於是鳩工伐石經始於萬厯已亥落成壬寅春仲跨江南北長二百武廣十有二武上翼扶欄

下竇五門其南壘十武甃石井通山源亦以濟民渴也皆陳君之綜理云

國朝順治戊戌海寇從穿山登陸橋燬行者復病涉康熙戊申知縣王元士建議重造僧人募錢甃石邑貢生謝泰履捐金倡之逾二年告竣

虹橋 明一統志在縣北一十里嘉靖定海縣志又名義慶橋

太公橋 鎮海縣志在靈巖鄉地名中央岸有田數十頃四面環水農民病涉謝瀚捐貲建橋鄉人德

之因名太公橋

崇孝東橋 崇孝西橋 嘉靖定海縣志二橋乃周
德建因其事母孝故名

新橋 鎮海縣志在石秋竹山舊有石橋後圯

國朝康熙六年知縣王元士重建

大浹渡 至正四明續志在縣東南一里嘉靖定海
縣志即大浹口為水關屯泊舟師處

蘆浦渡 嘉靖定海縣志縣東五十里至正四明續

志乘半潮可抵昌國州

象山縣

縣東橋 成化四明郡志縣東半里宋景定三年置
永安橋 嘉靖寧波府志即西橋跨鳳溪而鎖玉帶
一邑風氣之闕

迎恩橋 象山縣志縣治西南一里舊名南橋以築
城毀明嘉靖三十三年毛令德京重建改今名

風橋 嘉靖寧波府志縣東北三十里有仙巖金峰

之勝

海口橋 嘉靖浙江通志縣東北二十里海潮汐經
其下象山縣志明弘治六年鄭令琳建嘉靖三十
四年毛令德京重修

歐陽橋 象山縣志縣西四十里舊名儒雅洋橋同
知歐陽懋署縣事重修因改歐陽橋

太平橋 嘉靖寧波府志縣東北四十里洪武三十
四年倭賊登劫湯畧錢倉十戶易紹宗率兵殺賊

於此被害其裔孫易寧易顯乃於死節之處壘石
為橋號曰太平識其殺賊安民之功也

它山橋 象山縣志縣南昌國衛治東明嘉靖三十
三年倭寇臨境拆橋以葺城垣賊破城後衆謂此
它山風水壘橋所致萬厯三十五年里人應朝佐
劉暉張明奉重建

南關橋 嘉靖寧波府志縣南九十里邑人侍郎俞
士吉奉命諭日本於此發舟因名正德間廢義官

王玉重建

陳山渡 至正四明續志縣東北一十五里自陳山
發船經兩潮至奉化州東宿登岸

定海縣

舟山關 成化四明郡志城南舟山渡邊

碇嵒隘 兩浙海防類考續編與外港相對嘉靖間
累被倭賊登劫

謹按碇嵒隘在舟山所西五十里明嘉靖中為戍
守要地總制胡宗憲擊岑江賊分軍出此時賊黨

有據烏沙懸山者宗憲策其必與岑港寇合陸路則設伏於破壺水路則設伏於響礁門賊果由二路奔沈家門寨合於岑港官兵討平之

監橋 成化四明郡志在城南宋熙寧元年建紹熙元年令王阮新之

狀元橋 嘉靖寧波府志翁洲舊名昌國縣洪武二十年省入定海縣其地故有狀元橋未知所自邑人張信適生橋之所至二十七年信舉狀元及第始符橋名或云宋紹熙三年令王阮立刊其兩傍

石閘云人從橋上行狀元此時生遂以名橋

大余橋

定海縣志宋丞相余天錫建

小余橋

定海縣志天錫弟兵部尚書天任建

東江橋

明一統志在縣東五里定海縣志宋明道

初文亮自開封徙居創建

五龍橋

定海縣志在五條蛟中故名郡賓夏國正

建

曉峯橋

成化四明郡志在滄洲宋淳熙十五年西

監監鹽鮑渭修大之

大士橋 普陀山志在潮音洞上留青日札僧德韶

梵石橋宋寧宗題曰大士橋佛書所謂海嵒孤絕

處是也

劉仁本大士橋詩金碧玲瓏塔影雙綺霞香霧濕疎窓鮫人織浪為華蓋龍女持珠

獻寶幢震海風雷音縹緲瀾山潮汐響春撞顙求現示將軍相一鼓羣魔盡聶降

舟山渡 延祐四明志去縣五里趨城由此塗出令

趙大忠創隄岸

浙江通志卷三十五

欽定四庫全書

史部

浙江通志卷

三十六至
三十八

詳校官給事中臣戴璐

檢討臣

德生覆勘

總校官編修臣倉聖脉

校對官學正臣湯垣

謄錄監生臣劉天綸

欽定四庫全書

浙江通志卷三十六

關梁

四

紹興府

山陰會稽
二縣附郭

府橋 寶慶會稽續志在鎮東軍門外蓬萊館前舊
以磚甃不能堅久守汪綱盡易以石闌干華表加
飾護焉橋既寬廣翕然成市遂為雄觀

拜王橋 嘉靖浙江通志在府西獅子街唐末錢鏐

平董昌郡人拜謁於此至朱梁時封吳越王故橋
以拜王名萬歷紹興府志又名登瀛橋

國朝康熙二十八年知府李鐸重修更名豐樂橋

王儀橋 山陰縣志在縣南一里

大夫橋 王壺冰張志和築室越州東郭陳少游表
其居曰元真坊先是門阻流水無梁少游為構之
號大夫橋

清道橋 於越新編在府東二里軒亭南山陰接界

百貨會集

鯉魚橋 山陰縣志在縣北二里許宋時浙東貢院
故址

弘濟橋 嘉靖山陰縣志在火珠山下本名火珠橋
嘉靖間郡守南大吉名寶珠橋後守湯紹恩重修
改今名

光相橋 山陰縣志在縣北三里許

北海橋 於越新編在府西北二里俗傳唐李邕寓

居之地弘治紹興府志元至正間義士余清建

謝公橋

嘉泰會稽志在新河坊以太守謝公所置

故名

國朝康熙二十四年重修

江橋

明一統志在府城內西北太平寰宇記宋江

彪所居之地因名

斜橋

弘治紹興府志在府治東北其下多客邸舟

楫往來所集

狀元橋 萬厯紹興府志在府東南四里宋詹驥所

居里也

題扇橋 紹興府志在戴山之南紫桃軒又綴右軍

為戴山老姥書扇今紹興郡城有題扇橋

晉書王羲之傳

嘗在戴山見一老嫗持六角竹扇賣之羲之書其扇各五字姥初有愠色因謂姥曰但言是王右軍書以求百錢姥如其言人競買之他日姥又持扇來羲之笑而不答

草貌橋 萬厯紹興府志在府東北嘉泰志云舊傳

此地 在州城外俗謂征稅之所為貌

大雲橋 山陰縣志在縣東南四里

國朝康熙五十年重建

都亭橋 嘉泰會稽志在城東禮遜坊越絕云秦始
皇東遊之會稽以甲戌舍都亭都亭之名始此

鏡水橋 於越新編在府東四里宋趙處士仲微所
居

探花橋 山陰縣志在縣東北五里會稽縣志傍有
小橋曰田家橋

鍾離橋

弘治紹興府志在城東漢鍾離意所居

大善橋

山陰縣志在縣東北二里有大善寺故名

廣寧橋

於越新編在都泗門內明隆慶中漸圯華

嚴寺僧性賢重修

嘉泰會稽志漕河至此頗廣民居鮮少獨士人數家在焉紹興

中鄉先生韓有功復禹為士子領袖暑夜與諸生納涼橋上有功沒朱襲封亢宗追懷風度作詩云河梁風月故時秋不見先生曳杖遊萬疊遠青愁對起一川漲綠淚爭流蓋橋上正見城南諸山也

鄉橋

萬厯紹興府志在縣治東北俗謂朱買臣還

鄉故名會稽縣志又名香橋陸放翁種梅於此故

名其旁尚存梅園衙至元時勞義士新之隆慶間
錢守愚重修

國朝康熙八年陳伯嘉重修

望花橋 紹興府志在府學前嘉泰志云其地多藝
花為業蓋宋時然

春波橋 寶慶會稽續志在縣東南五里千秋鴻禧
觀前賀知章詩云離別家鄉歲月多近來人事半
消磨惟有門前鑑湖水春風不改舊時波故取此

名橋會稽縣志羅漢橋本名春波橋

柳橋 紹興府志在府東南三里明王毓著殉節處

有碑

山陰縣

城外
關梁

杜浦橋 於越新編在府城西北十五里嘉泰會稽

志自此而南煙水無際鷗鷺翔集過三山遂自湖

桑埭入鏡湖

文應橋 弘治紹興府志在縣北一十里昌安門外

舊傳朱買臣讀書於此鄉人爲之立祠於橋側買臣封文應侯故名

虹橋 嘉靖山陰縣志在縣北十里宋理宗少時浴於此故又名浴龍橋

魯墟橋 嘉泰會稽志在縣西北一十三里南為漕河北抵水鄉如三山吉澤南莊之屬又北復為漕河漕河之北復為水鄉渺然抵海謂之九水鄉宋曾文清詩淡跨水鄉勝謂不減吳松即此是也

西跨湖橋

山陰縣志去縣西南五里鏡湖上南通

離渚路

亭山橋

於越新編在府城南十五里近鏡湖諸溪

之水匯焉

蘭亭橋

輿地紀勝在山陰晉王右軍修禊處橋下

水聲晝夜不絕有含暉亭

吳奎題蘭亭橋詩秦望奇峯北天章古寺東石

橋跨驚瀨雪

屋麗層穹

國朝康熙三十五年重建

高橋 山陰縣志去縣西北二十五里運河塘上橋

最高故名

柯橋 嘉泰會稽志在縣西北三十里伏滔長笛賦

序云蔡邕避難江南宿柯亭館取屋椽為笛注柯

亭在會稽郡

胡曾柯亭詩一宿柯亭月滿天笛亡人去事空傳中郎在世無甄別爭得

名垂爾許年

泓清橋 弘治紹興府志在縣西小步里永樂中里

人張季能建

錢清浮橋 紹興府志在府城西北六十三里舊以

木柵為浮橋

王禕錢清江浮橋記錢清江古名浦陽江其地控驛道舊有浮橋蓋比舟

為梁以濟不通而近歲廢不治至正十七年秋寧夏吳君以憲臺行軍都鎮撫分鎮蕭山山陰兩縣觀橋之廢慨然嘆曰是不亦有司之缺失歟亟命衆民戶之義助并公帑之羨儲計其物力度程而新作之凡為舟十有二上架板度相屬以為梁其長三百有六十尺廣十有七尺聯之以鐵絙絙如橋之長而維其兩端於南北隄使舟常比而梁常屬與波濤相上下雖水湍悍而往來者固無虞人莫不以為利也橋成書其事於石 明弘治八年邑人周廷澤建

夏履橋 弘治紹興府志在縣西八十里世傳夏禹

遺履於此吳越春秋遺履不顧卽此

金仙橋 山陰縣志在縣西六十五里明因寺之旁

宋祁國公杜衍所建

高公橋 山陰縣志在天樂鄉

國朝康熙十五年閩逆煽亂大兵進勦集天樂浮橋知縣高登先供應軍需為水所溺衆救獲甦居民建橋以登先誠於為民稱高公橋

三江渡 山陰縣志去縣東北三十三里明知府湯

紹恩改建新閘

荷湖渡 山陰縣志去縣北三十三里在璜山東大
峯山南上通扁拖甲蓬二閘下接三江新閘俗訛
濠湖

前梅渡 弘治紹興府志在縣西六十里錢清江上
流南通諸暨北通蕭山濱江之民造舟以渡

會稽縣

城外
關梁

東關 會稽縣志在縣東六十里

靈汜橋 水經注城東郭外有靈汜水甚深舊傳下

有地道通於震澤嘉泰會稽志在縣東二里石橋

二相去各十步吳越春秋勾踐領功於靈汜漢書

山陰有靈文園此園之橋也汜一作圯俗呼為靈

橋

李紳靈汜橋詩靈汜橋邊多感傷水分湖派達迴塘岸花前後聞幽鳥湖月高低映綠楊能促

歲華惟白髮巧乘風馬是春光何須化鶴歸華表却數凋零念越鄉

三橋 嘉泰會稽志在縣東南五里有橋三其中橋

有亭扁通濟今鏡湖分東西以此橋為限

渡東橋 於越新編在東郭門外明會稽令羅相建

陶望齡渡東橋記越郡隍水而城直東郭門者曰
划船港厥浸尤廣南鎮平水上竈諸山之溪流皆
委焉三道注射湍悍難渡重以霖潦風雨舟每覆
溺其南岸故有英濟侯廟涉者必禱以其峻阻阨
危工鉅費繁梁之為亟而力最艱故謀舉輒輟豫
章羅公來令茲邑臨流惻嗟從者忤起以萬厯二
十三年二月僱工再歲工畢跨水數百丈醴水十
有八道樹石為兩棹楔表諸途凡市石傭力之貲
為白金八百五十一兩捐月俸三十兩餘出諸施
者既成命曰渡東出其塗者謳誦歌舞相屬太史
氏望齡聞而采之為銘銘曰越國於澤厥阻在山
言言崇墉峙其兩間澤流浩彌山流蕩撼傾高助
深是曰坎坎涉者維何車舟馬楫如提千金載一
粟葉陽侯甘人灑血滲牙盲風怒波淚齋紗拏旋

入深淵不可蹈此行惻道謀仁人是嗟仁人伊誰
曰我羅父頭水足春歷有年所靡枯不濡靡墜不
舉如雨膏萌如颺颺羽乃飭泮宮乃營京坻秩祀
是嚴第塗是治匹夫煩冤曰已溺之圖厥萬安易
此一危表正蚪移鞭驅石走雌蜺半舒青龍欲吼
扶楫天行盤根地厚席過輿徒宵超擢者在昔州
使旌賢造廬梁水於門橋名與俱邦人稱焉東郭
大夫厥壤維均惠濟則殊宜系公官若郎官湖宜
姓於公如鄭白渠又如迷人善逝所吁誰為津梁
西來衲徒我公之功異理同符嘉名渡東實其然
乎

洞亭橋 嘉泰會稽志在縣東十五里陽明洞前架

小亭其上橋東數十步又有鬪牛觀山二橋入龍

瑞宮

雲門橋 嘉泰會稽志在縣東南三十五里若耶溪
南旁有仙翁釣磯宋考功之問詩云鴈塔騫金地
虹橋轉翠屏謂此

石橋 雲門志畧在雲門寺前舊有麗句亭架其上

黃汝亨遊雲門記自秦望而下諸山泉並注於此
流淙活活至冬不涸當水盛時飛瀉噴薄足與吾
杭靈隱迴龍橋相敵蘇舜欽送張行之詩五雲山
下石橋邊六月溪風灑面寒今正炎天君獨徃松
間尋我
舊題看

五雲橋

於越新編在府城東二十六里舊跨溪今

在平陸

陸游五雲橋詩若耶此與鏡湖通縹緲飛橋跨半空陵谷變遷誰復識我來徙倚暮

中烟

告成橋

萬厯會稽縣志在禹祠西以禹治水告成

故名

萬安橋

會稽縣志在六都樊江廣渡菴之南橋長

二十四洞

浪煖橋

會稽縣志在雙溪港張神廟之左平水上

竈二溪之水合流於此向有木橋水稍漲即衝壞
明張賢臣捐資糾衆易以石名曰浪煖崇禎末山
陰謝顓重修

毛洋橋 於越新編在府城東四十里又東為陶堰
曹娥渡 紹興府志在府城東九十里絕江而過隔

岸為上虞

吳鑣曹娥渡詩渡頭帆落興雲平江上
花開相映明兩岸人家通海嶼一川風

色送潮聲新碑已沒中郎篆古廟終存孝
女名自恨經過睹客鬢愧將書劍負平生

偈山渡 會稽縣志在縣東北五十里

小江渡 會稽縣志在縣東南一百里渡口有茶亭

守渡船

蕭山縣

漁臨關 於越新編在縣東南十五里凡竹木自徽處衢嚴往諸暨者泊臨浦抽分發寧紹者過義橋

等壩白鷺塘抽分紹興府志漁臨關有橋

互見權稅田惟

祐漁臨關橋記蕭山密迤省治西通衢婺徽嚴諸郡凡商販竹木薛筏自上江順流東下悉集蕭山

漁臨二浦故工部分司雖總設於杭而於蕭山漁臨則亦各置榷場焉縣之來蘇鄉地濱東小江名

單家堰而抽分厥在小江之西永樂間有木橋跨江以渡尋廢嘉靖壬辰工部主政薛公移水關於此商民往來者尤衆公議建石橋未果而去民架木梁以渡而江濶水漫危險可畏今歲六月值工部主政林公臨縣詢知民病遂決前議疊石為梁列五洞跨江東西以丈計者十餘肇工於七月十九日迄工於十一月二十日

謹按紹興自漁臨關外山陰有錢清關漓渚關清潭關花街關三江關會稽有萬陡關平水關餘姚有陸浦關石堰關上虞有梁湖關今俱廢

夢筆橋 輿地紀勝在縣東北一里即江公所居處

也蕭山縣志齊建安中建

葉清臣修夢筆橋記浙江之東偏會稽為古郡

地方百里者八而蕭山居其一焉縣目伽藍者五而昭慶寺為甲焉夢筆橋者乃直寺門絕河流而建之也初齊建安中左衛江公販依法乘脫畧塵境捨所居宅為大福田則斯橋之興與寺偕始其賦名索義亦由此也自會昌流禍池臺起傾平之愴大中再造土木極文秀之華惟造舟之制曠日不復物豈終否有時而興天聖紀號之二年冬十有二月隴西李君以廷尉評實宰是邑周爰井疆鋪觀圖籍感釋子之能志惜江氏之寢微且懼褰裳厲深為斯民病漸惟涉難貽來者羞乃諭居僧俾募信施三四佛之攸種咸植善根百千金之所宜悉歸寶塔府帑不費里旅不煩山林致木而叢倚郢人運斤而風集經始不日而功用有成晴虹倚空而半環浮翬跨波而欲渡雕楹矗而端聳鉤猶繚而橫絕肩摩轂擊控曳路而下馳飛艤鳴舸貫清流而直逝以材之豐美橋工之間隙又作駐舸

節亭於橋之北。溪艇子兩漿足以愬行者之勤。虹霓一朶誠可免涉者之病。是知創橋以表寺先賢之遺懿。益光由亭而視橋。上人之用心兼至。建一物而二美具。故君子謂李君為能云。華鎮夢筆橋詩。綠波照日情無奈。碧草連天恨未消。欲向夢中傳彩筆。柳絲低拂曲欄橋。謹按夢筆橋以江寺而名。文通捨宅為寺。故橋謂之夢筆耳。蕭山志刊誤云。文通未嘗至越。捨宅為寺。乃總持非文通也。觀此則所稱夢筆者。正屬附會。且縣志於建橋歲曰建安。中按建安為漢獻帝紀。元南齊無建安年號。此誤之又誤者。

陳公橋 於越新編在縣城東一里。蕭山縣志明萬曆四十四年。邑令陳如松掘通雙河。塍折運河水。

使南注因建橋焉

惠濟橋 弘治紹興府志在縣東北惠濟寺前一名

鳳堰橋

漲潘橋 蕭山縣志刊誤在縣南十五里以潘水所

經得名

石橋 蕭山縣志舊名浮橋明弘治七年山陰周廷

澤易之以石比海塘傾橋亦就隳守道楊一葵於

萬厯四十二年修塘而橋復建

陸游渡浮橋詩潮生抹沙岬雲薄漏

月明江頭曉色動鴉起人未行扶攜渡長橋仰視
天宇清遙憐繫舟人聽我高屐聲冰鑑得少憩一
笑拄杖橫澄漪弄清影微風吹宿醺湛然方
寸間不受塵事攖寄語市朝人此樂未易名

白鶴橋 萬厯紹興府志在白鶴鋪前東與山陰界
萬厯間施良貴修

惠政橋 蕭山縣志元簿趙誠建

楊維楨魚浦新橋記至正十三年秋

八月蕭山縣魚浦新橋成浦之西北距浙江東南
商旅提携樵蘇負荷者胥此乎道焉晨出暮返奔
渡拏舟不無蹴躅覆溺之患縣主簿趙君來鎮於
茲易舟而梁不三月而底於成長凡五百尺洞十
有五楹十有六隄其兩旁棧板欄翼亘其長吁昔
無而今有矧實功之難也橋出沒於潮汐之險又

難也事出於昔人之所難而得於今日之所易謂
惠而知為政者非歟於是顏其橋為惠政銘曰江
水湯湯界浦之疆涉浦作渡民病於航趙君為政
惠而有方誰為浦廣不可以梁維彼梁也四方之
光也德之長也
民之不能忘也

高遷橋 蕭山縣志刊誤吳志曰孫策入都都人迎
於高遷十道志曰董襲見孫權於高遷今縣東北
有高遷橋

錢清方家橋 寶慶會稽續志距縣西四十五里在
小江之西歲久斷圯守汪綱重修寧宗御舟經從

撤而復葺

西興渡 方輿勝覽在縣西十二里本名西陵

水經注昔

范蠡築城於浙江之濱言可以固守謂之固陵今之西陵也

吳越王以非吉語

改西興紹興府志為吳越通津有官舟水工二十

四人其私舟姓名亦各隸於官有罹傾覆之患者

官以法治之

謝惠連西陵遇風詩行行道轉遠去情彌遲昨發浦陽汭今宿浙江湄

臨津不得濟停楫阻風波積憤成疾痼無萱將如何周匡物西陵待渡詩萬里茫茫天塹遙秦皇底

事不安橋錢塘江上無船渡又阻西陵兩信潮

諸暨縣

陽塘關 諸暨縣志去縣五十里浦江縣界嶺下兩
山相逼唐宋置關於此元廢明崇禎癸未倭賊蔓
延復疊石置關今迹尚存

義津橋 嘉泰會稽志在縣南二百步唐天寶中令
郭密之建

桂花橋 弘治紹興府志在縣西二里即上湖橋
太平橋 於越新編在縣東門外舊為浮梁諸暨縣

志唐大厯中建尋廢宋淳熙間修武郎壽康孫建
石橋日久圯元時即舊址建浮梁鐵纜維之明景
泰間邑令張鉞耆民駱李清等復建石橋又圯

國朝順治乙酉知縣劉士瑄重建

會義橋 諸暨縣志縣南一十五里舊名黃白山橋

明隆慶中邑令梁子琦重建又名梁公橋當甌婺
萬山之衝橋遂傾圯萬厯庚子劉光復修建又圯

國朝康熙庚戌知縣蔡杓重建

千衙橋 弘治紹興府志在縣北三十里居民于子

深造

楓橋 弘治紹興府志在縣東北五十里唐時建宋

淳祐間重建石橋作亭其上

武衙楓橋道中詩路接官河柳脚斜蹇驢

衝暑憩田家雨餘天迥雲生葉日午風輕稻放花
襪襖已懸黃犢睡桔槔不動綠楊遮老翁相見如
相識命坐繩床自折瓜李龔楓橋夜泊集古詩水
濶風高日復斜鷺鷥綠繞入人家船頭繫箇松根

上霜葉紅
於二月花

千溪橋 於越新編在縣東北六十二里相傳為千

吉所居

魏驥干溪橋記干溪橋去縣治六十里春夏之交淫潦泛溢萬山之水皆匯於溪故

橋常為所壞郡之貳守黃侯道經其地曰是橋要道也壞至此乎乃召其邑之義民駱某等告以其由將興役適郡守洪侯來蒞郡事曰此吾之事也遂首出已俸為倡駱某等亦皆以資力為助召匠需材肇工於成化五年之月日畢工於成化七年之月日洪侯名楷閩之莆田人黃侯名璧江右浮梁人陸游過干溪橋詩南劍歸來席未溫南行浩蕩信乾坤峯回內史曾游地竹暗仙人舊隱村白髮孤翁鋤麥隴茜裙小婦闌離門行行莫動鄉關念身似浮萍豈有根

善感橋

諸暨縣志在雙溪係浙東諸郡往來之衝

明萬曆三十二年王友艱於嗣故建隨得數子因

名善感

義士橋 弘治紹興府志在縣西八十里里人陳志
寧創義於此故名

晚浦渡 諸暨縣志晚浦東聯越郡西接蘇杭商賈
往來之所向有義渡久廢

國朝順治間有傅應麟者置船恐久復廢捐田五畝作
船夫工食又捐屋三間收稅作修船之費義渡自
此永存矣

餘姚縣

澄清橋 弘治紹興府志在縣東二百五十步近按
察司故名

黃橋 嘉泰會稽志在縣西二百步紹興府志水經
注江水東逕黃橋下蓋黃昌宅橋也

明星橋 弘治紹興府志在縣東南一里

江橋 明一統志跨餘姚江上嘉靖餘姚縣志宋慶
厯間令謝景初用木跨江橋之尋壞崇寧五年邑

人莫若鼎復建炎三年金兵焚之紹興初復建
淳熙五年壞七年復建咸淳三年壞其年復建德
祐二年張世傑焚之入元再建再壞其再建也蓋

浮橋云至順三年乃成石橋名曰通濟

韓性通濟橋記至順

三年餘姚通濟橋成按宋圖經姚江在餘姚縣南
十步橋曰德惠建炎中廢縣令蘇忠規重建至淳
熙戊戌而壞司業王逵方里居捐貲以創歷歲百
餘至咸淳而壞司業之孫王籍曾孫應龍復創建
焉易名虹橋建十年而燬縣令杜仲仁進王氏子
孫而諭之曰此君先世義事也不可不勉於是應
龍即舊址經營其族人濤湘等相繼盡力至元二
十年九月橋成未備獨欄楯縣尹夏杞使邑人趙

孟嵩等助成之至延祐六年九月而壞有僧惠興言於官請作石橋為永久利州官許之經始有緒而僧亡州判官牛彬恐遂廢弛命道士李道寧繼其後且捐已俸為倡而力董之會奉議大夫監州拜珠奉議大夫李恭來知州事與同知州事特穆爾布哈賈策判官張志孝唐雋吏目陳天珏沈思齊咸勸成之至是而石橋成名之曰通濟風帆浪楫倬潮依沙鱗居通闢東西相屬橋之名遂冠東浙非直一州偉觀而已州人疏其本末至山陰使性為之記

餘姚縣志明萬厯

九年南洞大圯邵陞修之

國朝康熙間又圯雍正七年總督臣李衛重修

戰場橋 萬厯餘姚縣志在縣南四里宋宣和二年

睦寇犯境縣遣顧秀才徵所部鄉夫鑿壕龍泉山
後寇乃取道鳳亭欲自南門橋入越帥劉述古率
官軍迎戰於此敗其衆今訛為轉糧橋

客星橋 寶慶會稽續志在縣東北二十五里陳山
舊有橋屢成屢壞淳熙十年僧清式改作甃
石翼以石欄極為堅壯里人以其在嚴子陵墓側因名

孫應時客星橋記嚴先生吾餘姚人也邑東北十
里有奇峯曰陳山是為先生墓乾道中故太師史
公鎮越始告縣表墓起精舍曰客星堂而為之田
長吏以時奉嘗陳山臨大浦民橋其上善壞淳熙

十年僧清式大改作甃石如虹袤百有五十丈石欄翼之甚壯六年乃成里人相命亦曰容星橋將使四方之士舟車之過焉者喜其名而相告也應時敢記其事於石且歌之曰山川之靈人為重輕風土之佳人為晦明先生釣游有榮一州先生故丘云胡勿求陳山雄雄石梁崇崇斯名斯歌以諗方於越新編在客星山北與安山並今呼為安山

橋萬厯餘姚縣志明嘉靖十六年壞十八年重建
隱鶴橋 於越新編在縣東十五里唐莫盛携鶴至
此忽隱不見故名

新橋 紹興府志在縣西北二十里舊跨長泠港曰

長冷橋亦名方橋明初置臨山衛斥官道遷長冷

橋為新橋

黃山橋 嘉靖餘姚縣志莫詳其始建歲月其燬而

再建者在宋紹熙間元至順間嘗修之

韓性修黃山橋記餘

姚州之東距理所二里有善政橋橋旁有大小黃山土人因謂為黃山橋嘗燬於火紹興間僧覺因合衆力重建三年而後成逮寶祐間橋之建六十年浸及於圯邑人樊暉率衆修葺而橋完又七十年餘年當至順年晉寧李恭知州事來視橋梁歌石泐過者慄慄則與寮案議曰橋百年不修則壞壞而更為不可以猝成吾捐俸以為之倡於是監州某同知州事賈策判官某是其議協力而成之州

人踴躍謳謠西過山陰澤中俾性為之記

至正間復壞十九年僧自悅

重建潮汐奔潰不可置一石自悅祝天願少卻潮忽竟日不至乃併力基之橋始克成時方國珉鎮邑諛珉者更橋之名曰福星初為二洞高危易敗明正統三年改為三洞萬厯紹興府志嘉靖三十四年倭寇猝自海上來居民計無所出遂毀明年城東士大夫各以義捐金復建橋石柱而木梁尋復屋其上

橫河橋 於越新編在孤山東北為閘蓄東北諸鄉之水

上虞縣

通濟橋 於越新編在縣南一百步宋王吏部義昭重建名通利元至元中改今名萬厯上虞縣志明萬厯三十二年令徐待聘令居民壽來泰等重修豐惠橋 弘治紹興府志在縣東一里舊名酒務橋萬厯上虞縣志宋令樓杓重建易今名

袁燮豐惠橋記縣市

有酒務橋周顯德中所建歲月滋久石或斷缺往來者漂乎有壓溺之憂邑侯乃以歲計之餘捐金募工伐石更造以舊名額不雅思易之邑人沐浴膏澤推原所自名曰德政侯不許曰天以豐歲加惠我民事幸而集予何德焉以豐惠揭之其可爰請於起居舍人魏了翁書二大字以扁之初侯興是役也復輦舊石為橋於剪水閘之上侯秩滿去而是橋適成邑人相與言曰令尹雖不言功吾儕能自已乎歸功於天令尹之志也歸功於令尹邑人之志也乃以德政名閘上之橋而饒諸石以致思云

楊橋 萬厯紹興府志在縣南一里宋嘉定中浚王帶溪得石刻楊橋二字陳光祿絳云昔孟嘗為合

浦太守以病自止隱處窮澤身自耕作隣縣士民慕其德就居止者百餘家同郡尚書楊喬前後八上書表其賢今縣東一里有孟閼云是嘗故宅宅西有楊喬巷橋名或由此

謹按弘治紹興府志謂楊橋曹操與楊修辨曹娥碑陰字在此故名劉孝標世說新語注云曹娥碑在會稽中而魏武楊修未嘗過江安得此事語林云操讀碑於汝南所摹者非在曹娥廟也今橋雖距廟三十里未必以是得名

九獅橋 於越新編在縣東等慈寺前上虞縣志至

正中重建

黃和中九獅橋詩幾年危磴倦扳躋疊石成功信可稽楹列九獅留舊事車乘

斷馬待新題長河俯瞰多飛鷁高岸橫陳有斷蛻多謝老僧能起廢盡將勝槩付招提

孟宅橋

嘉靖浙江通志漢合浦太守所居萬厯上

虞縣志又曰還珠橋

華鎮孟宅橋詩溪上還珠太守家小橋斜跨碧流沙清風

不共門牆改長與寒泉起浪花

青雲橋

萬厯上虞縣志在龍王堂側宋令樓杓建

邑人名曰德政後尹王璘重建以木易曰思賢

余應

璘思賢橋記至元壬辰沂水王璘奉命尹虞甫及期而做事悉舉獨德政橋僅一二廢柱屹乎中流

橋在剪水閘西去纔二里縣東舊無橋梁水口山
低而遠陰陽家所忌宋嘉定四年宰樓杓始建此
橋以闢鎖之至元丙子遭兵燹而橋墮距今十八
載矣公顧瞻故基徘徊慨息為興勅計又念民素
貧瘠歲且不登若仍架以石橋未必成而民且困
因乘農隙而鳩木材取其力省而功速也公自視
黜然不欲襲舊名而易曰復圮元至正乙未邑人
思賢欲思前賢而行政也

杜致甫架石梁尹林希元又名杜公橋明萬厯丙
戌令朱維藩北構文昌南新奎文復勅橋其間以
青雲名焉今又名聯登橋

百官橋 太平御覽水經注曰上虞縣亦名虞賓舜

避丹朱於此故以名縣百官從之故縣有百官橋

謹按晉太康地記亦云舜避丹朱於此十道志上虞縣百官橋一名舜橋太平寰宇記越州餘姚舜橋避丹朱於此百官候之故名要之橋雖以舜名諸說皆未可信

合清橋 萬厯上虞縣志東西兩溪合流處橋屢壞

里人周袞購石造橋分三洞以泄其流

學堂橋 嘉泰會稽志在縣西北四十里俗傳朱買

臣讀書堂也傍有洗硯池朱侍中廟

梁湖渡 上虞縣志在曹娥廟前

宋岳梁湖渡詩渡口夕陽斜長遊始

問槎天低雲接樹風急浪平沙倦鳥依帆
下征人隔岸譁眼前風景別詩意屬誰家

百官渡

弘治紹興府志在縣西北四十里

李光百官渡詩

曉雨微茫水接天隔江茅店有炊烟
杖藜獨步沙頭路猶記當時趁渡船

嵯縣

子猷橋

於越新編在縣東五里晉王徽之返棹處

世說新語王子猷居山陰夜大雪忽憶戴安道時
戴在剡即便夜乘小船就之經宿方至造門不前
而返人問其故王曰吾本乘興而行興盡而返何
必見戴曾幾子猷橋詩小艇相從本不期剡中雪
月並明時不因興盡回船去那得山陰一段奇張
旌子猷橋詩千山雪霽玉差栽百里衝寒特地過

縱使興闢回權去
絕勝俗客到門多

南門橋 嵯縣志在南門外南津渡當南北通津元

末有浮橋廢明嘉靖二十六年知府沈陞檄縣造

木橋名沈公橋

王畿為記

尋圯萬厯元年知縣朱一栢

置渡船二隻渡夫二名每年修理三十六年邑進

士周汝登請知縣施三捷建石橋長亘里許廣厚

通輿焉嗣知縣王知達縣丞王文運修之天啓間

推官李應期崇禎間知縣方叔壯相繼增造復為

怒濤衝圮

國朝康熙間知縣張逢歡縣丞胡玗典史毛鼎鉉重修
西門橋 於越新編在縣西門外明邑民王漢二捐
金甃石橋垂成洪水衝壞嘉靖間知縣譚潛因舊
跡益工以成嵯縣志萬厯二十九年知縣吳濟之
縣丞邵斗重建

國朝康熙七年知縣張逢歡縣丞胡玗典史毛鼎鉉邑
進士尹巽延僧明道募助修葺

謝公橋 嘉靖浙江通志在縣西一里因康樂得名

釋紹嵩題謝公橋詩白雲深處小橋橫流水涓涓古意生多少升沉都不見至今留得謝公名

望仙橋 弘治紹興府志在縣北四十里嵊縣志舊

名嵎浦橋明萬厯元年主簿吳祺重建崇禎五年

山陰胡氏徙建去舊址十步後為洪水衝斷布以

竹木屢修屢壞

國朝康熙六年知縣張逢歡等延僧自一募助重建

尹

為記

沐恩橋 嵎縣志在縣北六十三里舊為木橋明弘

治間邑人鄭岳易以石

孟愛橋 嵎縣志在縣西十五里明正統間知縣孟

文嘗勸農於此故名橋

新昌縣

桂香橋 成化新昌縣志在縣東一里仙桂鄉二十

都

三溪橋 新昌縣志在縣西十五里邑人呂天章建

石橋 名勝志水經注云浦陽江東逕石橋下有石

井口徑七尺溪之兩旁皆高山山有石壁二十餘

丈輿地志云剡東百里有石橋里人傳云舊路自

石筍入天姥今石筍橋下一大井與水經合疑即

此也

頂斯寄石橋僧詩逢師入山日道在石橋邊
別後何人見秋來幾處蟬溪中雲隔寺夜半

雪添泉生有天台
約知無却世緣

古松橋 紹興府志在縣東北二十里當台寧三水

交衝之地邑人劉炳建

司馬悔橋 仙都山志在縣東南四十里舊傳司馬承禎隱天台山被召至此而悔因以為名土人重建此橋板書其上誤以悔為晦曰司馬晦橋其義與字傳之益舛按雲笈七籤載司馬晦山在台州天台山北係第十六福地李明仙人所治之處山在天台新昌二境間故橋以山得名

周文璞送人之桐柏詩半

里松黃蘗碧波狂夫於此欲如何洞天春曉歸不得司馬悔橋芳草多

濟川橋

新昌縣志在縣北溪邑人潘復寵等建有

濟川庵置田贍僧守之

三溪渡 萬厯紹興府志在縣西二十里舊有石橋
每春夏水暴漲即壞萬厯中知縣田琯置渡舟以
濟之

浙江通志卷三十六